

ազգի մատուռնի կայր, բայց մերն մեծագոյն  
 90 քան զամէնն: Եւ ասին թէ Ծնունդն Տրդատ է  
 շինել. իսկ սուրբ Յարութիւնն՝ Կոստանդիա-  
 նոս: Եւ քաղաքացիքն ամէն հոռոմ են եւ աղ-  
 քատ, վանից ծառայ գոլով, նա եւ աղթարմա  
 են եղել, այս է Փափին դարի: Եւ այլ բազում  
 95 ուխտատեղք տեսաք. եւ դարձաք ի վանքն  
 սուրբ Յակոբ:

Եւ այլ օրն գնացաք Յովհաննու յանա-  
 պատն ի լեառնակողմն. եւ տեսաք զընակու-  
 թիւն ԻԹ ամաց. եւ Տունն Զաքարիայի եւ  
 100 Վէմն որ ընկալաւ զմանուկն. եւ ամէն եկեղե-  
 ցիքն քարէ է. բայց ժամ չասի. ո՛չ քահանայ  
 ունի. զի քաղքէն հեռու է եւ արպնոց: Եւ այլ  
 բազում եւ զանազան յսլով իրս տեսաք. զի ի  
 Տնօրինականաց իմացիս լիակատար:

## ԱՂԵՐՍՔ ՖՌԱՆԿԱՅ ԵՒ ՀԱՅՈՅ

Եւ Ֆրանկք մեծ սէր եւ դաշն ունին ընդ  
 105 Հայս. զի տարին իրեք անգամ նոքա դան Սուրբ  
 Յակոբ պատարագեն. եւ առաջնորդն մեծ  
 խրատութիւն եւ ընթրիս առնէ նոցա. որ Ծ,  
 Կ զուռուչ հայի պատիւն այն. եւ նոքա եւս մեր  
 110 առաջնորդին պատիւ առնեն եւ ընթրիս: Մե-  
 րոցն մեր աչջիքն եփեն եւ նոցա՝ իւրեանց:  
 Այլ եւ Հոռոմք, Խպարիք, Ասորիք եւ Հայք սէր  
 ու միարան են. աղջիկ տան եւ առնուն. այլ եւ  
 նոքա մեր պսակն, թաղումն դան եւ հողոյ  
 115 հացն. եւ մերն նոցա գնան. եւ այսպէս կային  
 միարանութեամբ խաղաղ:

95 ուխտատեղք: — 110 ընդրիս: